

Jon

anêṅ kapya te lô

Abô môṅ

Aposeł Jon hato kapya êntêk hadêṅ Gaius. Diotlepes ma avômalô êvhaviṅ anêṅ malak te iniṅ avaka. Ma yani hadô ek enja kêdôṅwaga takatu ba Jon hêv i ba i loṅ êṅ thô. Ma doṅtom Gaius hawa i thô ba intu Jon hato hadêṅ yani ek indum yani lamavi.

Hato kapya êntêk hadêṅ 85 lo 95 AD malêvôṅ doho la.

Jon hêv lamavi hadêṅ Gaius

¹“Ya Biṅsu Jon ba yahato kapya êntêk hadêṅ o yenaṅ aiyaṅ Gaius. Yalêṅhaviṅ o hathak abô avanôṅ.

²Aiyaṅ, yahateṅ mek ek lemvimkupik lôk anêm ku lôkthô imbitak mavi êtôm anêm hôêvhaviṅ hamô mavi. ³^bAiyaṅ doho êvô êlêm ba enaṅ nena hosopa abô avanôṅ dedauṅ mavi hathak nômkama sapêṅ atu ba hudum ba intu yalêṅmavi anôṅ. ⁴Yahalaṅô nena yenaṅ avômena esopa abô avanôṅ atu, êṅ ma hadum yalêṅmavi anêṅ dôêṅ.

Gaius hadum kobom mavi

⁵Aiyaṅ, hoyabiṅ kêdôṅwaga abô avanôṅ takatu ba êlêm anêṅ loṅ buyaṅ ma thêlô ma ṅê masôm ek o, êṅ ma hudum nôṃ mavi anôṅ. ⁶^cThêlô bôk enaṅ hathak anêm lemhaviṅ atu bêṅ hadêṅ avômalô êvhaviṅ anêṅ loṅ êṅ yôv. Ba êthôk hathak loṅbô ma mavi ek undum aêṅ ba nêṃ thêlô sa êtôm Wapômbêṅ da anêṅ lahaviṅ ek ini buyaṅ. ⁷^dHathak athêṅ êṅ, ma thêlô i ma miṅ ewa nômlate anêṅ ṅê daluk ami. ⁸Ba intu mavi ek nanêm ṅê takêṅ sa ek alalô nambitak ṅê ku imbiṅ thêlô esak abô avanôṅ.

^a 1 Ap 19:29; Lom 16:23 ^b 3 2Jon 4 ^c 6 Tit 3:13 ^d 7 1Ko 9:11-12

Diotlepes hadum kambom

⁹Bôk yahato kapya hi avômalô ôdônê êvhaviņ yôv hathak nôm takatu, ma doņtom Diotlepes miņ hathak halanô yêlôaniņ abô ami. Mi, lahaviņ imbitak anyô bêņ. ¹⁰Aêņ ba yahathôk ma tem yanaņ anêņ kambom êņ bêņ. Yani hathak hanaņ abô kambom takatu ba ôdônê mi hathak yêlô. Ma hadum kambom bêņ yaņ haviņ nena hadô ek enja kêdônêwaga abô avanônê takatu ba êlêm thô. Ma hamiņ loņ siņ ek avômalô takatu ba leņiņhaviņ neja i thô lôk hadum ek nêmi i vê êņjêk avômalô ôdônê êvhaviņ.

Demitlius hadum mavi

¹¹êAiyaņ, miņ undum ek osopa ñê kambom veņiņgwam ami. Mi, osopa mavi iyom. Ôpatu ba hadum mavi ma Wapômbêņ anêņ. Ma ôpatu ba hadum kambom ma miņ bôk hayê Wapômbêņ ami.

¹²Avômalô lôkthô enaņ abô mavi hathak Demitlius ma abô avanônê hik loņ haviņ. Ma yêlô anaņ aêņ iyom ma hoyala nena yêlôaniņ abô ma avanônê.

Abô anêņ daņ

¹³fAbô bêņ anônê hêk ek yato êndêņ o, ma doņtom yahadô ek yato.

¹⁴Yaleņhaviņ yasôk yaņgê o ketheņ oyaņ ek alai nanaņ abô imbiņ i.

¹⁵Yôhôk êmô imbiņ o. Anêmi avômalô môlô êv iniņ leņiņmavi hathôk ek o. Ma nêmi yaleņmavi êndêņ yenaņ avômalô môlô tomtom atu ba êmô haviņ o.